

## Abbadia - Corniche basque



- a - Goéland leucophaée - Kaio hankahoria
- b - Héron garde-bœufs - Lertxuntxo itzaina
- c - Salsepareille - Endalahara
- d - Grand Cormoran - Ubarroi handia



### Guneari buruzko informazio baliagarriak

lat: 43°22' N | long: 1°44' W

Jendeen hartzea, azalpenez hornitu bitak, Asporotsttípin, Euskal Erlaitzaren Etxean. Etxea eta itsasoaren gaineko behatokia mugikortasun murriztua dutenentzako helgarri dira

**Asporotsttípi - Euskal Erlaitzaren Etxea**

Route de la Corniche - CD 912 - 64700 Hendaia

Tel: 05 59 20 37 20 • [www.abbadia.fr](http://www.abbadia.fr)

Gatzelu-behatokiaz informazioa biltzeko : [www.chateau-abbadia.fr](http://www.chateau-abbadia.fr)



# Abbadia Euskal Erlaitza

Hendaia, Urruña



## Pirinioen eta Atlantikoaren topalekua



Conservatoire  
du littoral

Argazkien kredituak: Conservatoire du littoral,  
Pascal Clerc / CPIE littoral basque, Jak Forrat-Mantel  
Irudiztatzea: Alain Glowczak  
Imprimé sur papier issu de forêts gérées durablement,  
fabriqué à Condat (24). Pixagram 05 57 544 700



## Itsas hegiko bideari jarraiki, Hendaia eta Donibane artean

Interes publikoagatiko «onez oneko» desjabetze prozedura batez erosi ahal izan zion «Conservatoire du littoral» izeneko itsas hegieren erakunde zaintzaileak, 1979. urtean, Institut de France (Académie des Sciences) delako Zientzia Akademiari, Antton Abadiak, 1897an, akademia horri oinordetasunez utzia zion jabegoaren zati bat. Hendaiaiko herria hastapenetik arduratu zen parke «basa» horren kudeatzeaz eta orori zabalteaz; herriarentzat berdeguneen eskaintza ederra da parke hori, hondartza eta itsas jardueren osagarri. Data horretatik goiti, itsas hegieren erakunde zaintzailea pazientzia handiz saiatzen da Abadiako jabegoa izan zenaren lurra erosten, bai eta Euskal Erlaitzaren gainerako lurra ere, hau da, Urruñaiko herriaren itsas hegikoak. 2000. urtean, Pirinio Atlantikoetako Departamendua ere parkearen kudeatzaile bihurtu zen, eta 2011n, CPIE-IAEZI Euskal Itsasbazterra ere bai; horrela, tokiko animatzaile gisa indartua izan zen azken hau.



Atlantikoa eta Pirinioak tokiaren moldatzen joan dira, milioika urteotan, eta geologikoki tokiak duen aberastasuna mundu osoan da ezagun. Flyscheko itsas ezpondak ez dira soilik eder! Haien irakurritz, gure planetaren antzin-antzinako garaietaz ikasten dugu.



Marearteko zona, itsas ezpondak, larreak, soro zabalak, hesiak eta zuhaitz guneak abere-landareentzako hainbat habitat desberdin dira eta bertako xenderetan abiatzen den ibiltariarentzat paisaia aldatzen doa etengabe.



Jabegoaren lehengo etxaldeak garai batean garrantzitsu izan zen eta oraindik bizirik den laborantza baten lekuko dira. Haien izenak ez dira beti ahozkatzeko erraz, pasaiako bisitariarentzat: **Larretxea, Larrextaberri, Nekatoenea, Asporotstipi, Katalinkoenea!** Zaharberri eta egokiturik, talde kudeatzaileen egoitza dira (Larretxea), edo animatzaileena (Asporotstipi), egonaldietara datozen artisen eta ezagutza eskolen egonleku (Nekatoenea) eta, nola ez... ardi babesleku ere bai (Larrextaberri).

Asporotstipi, euskal etxalde tipikoaren itxura berreskuratu du, urte zenbaitetan, «le Boléro» izenez ezagun zen diskoteka izan ondoren; orain Euskal Erlaitzaren Etxea da. Museo alde bat eta mintzaldi eta aldi baterako erakusketa areto bat ditu orain, publiko guztiari zabalik.

Laborantzak naturagune horren kudeatzen parte hartzen du ere, ardiak alhatzera emanez. Tokiko barietateen zaintzaile den fruitu baratzeak barietate zenbait biltzen ditu. Baratze horretako zenbait sagarrez sagarinoa egiten da. Urrunxeago, sasoi helduean, euskarri arraro batzuek, itsas-belar gorriak igotzen dituzte marearteko zonatik, jele edo lodigarrien egiteko.

Muino baten gainean kokaturik, **Gaztelu-behatokia** Viollet-le-Duc-ek eta Duthoit-ek eraiki zuten Antton Abadiarentzat, eta Zientzia Akademiarena da oraino. Arkitektura neogotikoa, jabe izan zuenaren biziaren adierazgarri da eta apaindura joria bat dator, osoki, Abadiak esploraziorako, hizkuntzalaritzarako, astronomiarako eta geofisikarako zuen tirria sutsuarekin.

## Itsas Hegiaren Erakunde Zaintzailearen egitekoa

Gizarteari funtsezko zaizkion erronkei arrapostu eman eta funtsezko egin beharrak betetzen ditu: itsas hegiko naturaguneen desagertzea eta balioa galtzea ekiditea, hain zuzen ere, itsas hegia suntsi erraz izateaz gain, oso gutzizatua baita.

**Egiteko nagusia lurra eskuratzea du, betirako atxikiak izan daitezten.**

Lurra erosit, Itsas Hegiaren Erakunde Zaintzaileak, epe luzerako babes ematen die. Gure itsasertzeen aberastasun biologikoa, estetikoa eta nortasuneko atxikitzeko moduan eta orori zabalik uzteko moduan lehengoratzen ditu eta egokitzen leku horiek.

Egite horretan, lurralde elkargoekin, erakunde publikoekin, ingurumenari beha diren elkarteekin eta enpresa fundazioekin iraupen luzeko elkarlanean ari da.

### Itsas Hegiaren Erakunde Zaintzailea Akitanian

Akitaniaren itsasbazterren ordezkari, egoitza Bordelen duena, itsas hegiko hiru departamenduetan aritzen da, Girondan, Landetan eta Pirinio Atlantikoetan.

9 kideko talde bat aritzen da, erakundeak Rochefort-en duen egoitzarekin eta guneen kudeatzaileekin lanean. Talde horrek lurren begiratzeko eta lurren eskuratzeko ardurak ditu eta guneak ongi kudeatuak izan daitezten arduratzen da ere, itsas hegia babestua eta orori zabalik izan dadin

[www.conservatoire-du-littoral.fr](http://www.conservatoire-du-littoral.fr)

*Ordezkaritzaren ekintzak lurralde elkargoen sostengua du, bereziki Akitania Eskualdearena, inbestitze programan, funtzionamenduan eta komunikazioan laguntzen baitu; departamenduen naturaguneak eskuratzen laguntzen diote.*

